

مشاورت

مطبعه و محل اداره :

ج. ا. اوغوشده امنیت
مندوخی سوارنده
شنکول بفوشنده
۲۲ نومبر

مسلك. زده و افق آثار
جدیدہ مع الممنونہ
قبول اول نور

درج ایدہ بن آثار اعادہ اول ناز

دیر ، فلسفہ ، علوم ، حقوق ، ادبیات تاریخ ، و سیاسیانہ و بالخاصہ احوال دشتورہ اسلامیدہ بحث ایدر دہفندہ بر نشر اول نور .

آبونه بدلی

صاحب و مؤسسی :

ابوالعلا زین العابدین - ح . اشرف ادیب
تاریخ تأسیسی

درسمادندہ نسخہ می ۵۰ بارہ در

قبیلہ دن مقوا بودو ایله کوندر لمبرسه سنوی
۲۰ عروش فضلہ آذر

۱۰ تموز ۳۳۴

سہ لکی	التی آیلانی	غروش
۶۵	۳۵	۳۵
۶۰۰	۳۰۰	۳۰۰
۱۷	۹	۹

عدد : ۱۷۶

۲۸ محرم الشریفہ ۱۳۳۰ پنجشنبه ۵ کانون ثانی ۱۳۲۷

بدنجی جلد

شئون

ازمیر مؤتمر علمیسی

ازمیر غزته‌لری یازیور : کچن جمعه کونی صلاة جمعه دنسکره
 ثلجی اوغلی مدرسه‌سنده انعقاد ایدن مؤتمر علمی ازمیر و ملحقانیدن بر
 جوق علما و سامعیندن بر جم غفیر حاضر اولدقلری حالده فضیلتلو حاکم
 افندیك ریاستی و قوماندان اسماعیل فاضل پاشا حضرتلرینک نظارتی
 تحتنده مذاکرانه باشلامشدر . ثلجی زاده جامع شریفی خطیبی حافظ
 توفیق افندی تبرکاً سورۀ فتح تلاوت ایتیمی متعاقب جزایر علماسندن
 کیلانی افندی طرفندن بر دعای بلیغ قرائت ایدلمش و میلاس مفتیسی
 حافظ محمد صادق افندی بر نطق افتتاحی ایراد ایدرک مدارس علمیه
 و تکایانک زمان اوائلده حقایق اسلامیه‌نک انکشافیچون برر مهید کمال
 اولدقلری فضائل اخلاقیه ایله اتصاف و رزائل اخلاقیه‌دن اجتنابی امر
 ایدن شریعت غرای محمدیه‌نک مدارس عالییه‌دن نشأت ایدن بیکلرجه علماء
 فاضله‌نک جهد و همتلریله آز زمان طرفنده اقصادی شرق و غربیه قدر
 انتشار ایتدیکنی و بومقصد فوق‌العاده مظهر اولان علماء صرف حکام
 جلیله اسلامیه‌ن حقیقه اجرا و اوامر دینییه اتباع سایه‌سنده مدنیت
 اسلامیه‌نک زیاده ترقی و تعالی ایتدیکنی و شوقدرکه زمانزده کوربلان
 انار تدنی مدارس و تکایامنک اصلاحاته و بو کونکی عصر مدنیته موافق
 بر طرزده تنسیقه محتاج بولندیغنی و انتخاب اعتدالین مرشدلر ، واعظلر
 یتشدریمک ایچون مدارسده تدریس اولنه‌جق علوم و فنونک قواعد
 و مسائلی جامع برر کتابک تألیفی لازم اولدیغنی و بویخصوصده مدارسک
 اصلاحی ایچون تقسیم اعمال قاعده‌سده تطبیقا منتظم بر پروگرام دائره‌سنده
 چالیشمه‌له برابر اشبو مؤتمرک مقصدی صرف علمی اولدیغنی ، کندیسنه
 مخصوص بر اسلوب نزیه‌ایله بیان و افاده ایلش و بعده هیئت اداره رای
 خفی ایله انتخاب اولمشدر .

اکثریتله انتخاب اولانلر حافظ علی ، میلاس مفتیسی حافظ محمد
 صادق ، ثلجی زاده مدرسسی شیخ نوری ، مصر درکاهی شیخی پدری ،
 جزایر علماسندن کیلانی ، مرعشی کامل ، قرق اناج علماسندن اسماعیل
 حق ، بوز طغان مفتیسی حافظ امین ، علمادین یوسف رضا ، چوراق
 قیومدرسه‌سی مدرسسی حاجی ادهم ، صرعه مفتیسی عثمان ذکی افندیلردر ،
 وظیفه کتابتی سزائی بک درعه‌ده ایشدر .
 مؤتمر علمیده والی ناظم پاشا نایر اول ، قوماندان اسماعیل فاضل
 پاشا ناظر ثانی ، رئیس اول حاکم افندی ، رئیس ثانی مفتی انتخاب
 اولمشلردر .

متعاقباً اسماعیل فاضل پاشا حضرتلری طرفندن واقفانه ، عالمانه
 بر نطق بلیغ ایراد اولمشدر . مؤخرأً بالیکسری علماسندن محمد عاصم افندی
 طرفندن کوندربلان مطالعه نامه قرائت ایدلمش ایسه‌ده مذاکره‌سی وقت
 آخره ترک ایدلمشدر . پیدرپی مؤتمر علمی به وار اوله‌جق مطالعه نامه‌لر
 هیئت عمومیه‌ده قرائت ایدیله‌جک و نوط طوطیه‌جقدر .

شیخ سنوسی حضرتلری

جهاد مقدس اعلانی

عثمانی آژانسنه طرابلس غرب بخاری طرفندن آئیده‌کی تلغراف
 کشیده ایدلمشدر :

اسکندریه ۱۴۰۰ کانون ثانی — شیخ سنوسی احمد الشریف حضرتلری
 بوتون آفریقا مسلمانلرینه خطاباً نشر ایلدکلری ربیاننامه‌ده عالم اسلام
 آراسنده‌کی روابط اخوت و اتحادی نظر دقته آلاق بوتون مسلمانلرک
 خلافت معظمه اسلامیه‌نک دشمنلرینه قارشى جهاد مقدسه حاضر بولولملری
 امر بویورمشلردر . شیخ حضرتلری بوتون طوائف و شیوخنى جهاده
 اشتراک دعوت ایتکده‌در .

بویاننامه آفریقا مسلمانلری آراسنده بویوک بر تأثیر اجرا ایتیش
 و هرکس کمال شدتله حربیه حاضر لایمیه باشلامشدر .

عبدالرشید ابراهیم افندی

سنوسی شیخی احمد الشریف حضرتلریله ملاقات ایتک و محاربه‌حاضره
 حقنده ترتیبات لازمه‌ده بولنق اوزره آفریقایه عزیمت ایدن سیاح شهر
 عبدالرشید ابراهیم افندی حضرتلرندن کامل پاشا ایله ملاقاتی محتوی مصردن
 کوندربلان مکتوبدن صوکره هیچ بر خبر و معلومات آله‌مامسی حسیه
 بر جوق قارئلر من صبر سزلانیورلر .

فی الحقیقه زده مراق ایتمشک . فقط بر هفته‌مقدم (جغوب) دن آلدیغمز
 خصوصی بر مکتوبده صحتده اولدیغندن و ایشلرک پک یولنده کتدیکنندن
 بحثله یوللرک مشقتی و فوق‌العاده مهم مسئله‌لرله اشتغالی حسیه
 کوندره‌مدیکی جهتله بیان معذرت ایدیور و یقینه اوزون مکتوبلر
 کوندرجکنى وعد ایدیور .

عثمانی آژانسک بالاده مدرج تلغراف ایله بیلدیردیکی جهاد مقدس اعلاننده
 عبدالرشید افندی حضرتلرینکده بر حصه غیرت و ترغیبی اولسه کرکدر .
 چونکه حضرتک غایه املی سنوسی شیخی حضرتلریله ملاقات ایدرک بیوک
 تشبیلرده بولنق ایدی . وداع ایدرکن « منزل مقصوده موصلتمدن برهفته ،
 اون کون صوکره آفریقادن مهم خبرلر آلیرسکز » دیمشدی . روسیه
 مسلمانلریک انابه‌اندک پک بیوک دوللر اجر اسنه موفق اولان ، بر نطق ایله بخارا
 خالقنى بر کیجه‌ده حرکت کتیرن ، ژاپونیا‌ده اسلامیتی تأسیس ایدن ،
 چین ، هندستان و بتون شرقده پک بیوک حرمت و شهرته مظهر اولان
 حضرتک شیخ سنوسی حضرتلریله ملاقاتندن پک مهم موفقیتلره انتظاره
 ایده‌بیلیرز . جناب حق بتون مجاهدین اسلامیه‌نک معینی اولسون .
 تفصیلاتی حاوی مکتوب آلدیغمز کی درج ایده‌جکمز طبیی‌در .

اعتذار . — (سلیامیه کرسیسنده) عنوانی شرک مابعدی کله‌جک
 نسخه‌یه درج ایدیله‌جکدر .

[توسیع طباعت] قوللکتیف شرکئی
 محمد حلی و شرکائی
 مدیر مسئول : اشرف ادیب